

Nan a ser intercepta riba lama den "Sigaret" GUARDACOSTA MERICANO A TRECE COLOMBIANO CU A GULI COCAINA

ORANJESTAD (AAN): Ayeramainta reporteronan di DIARIO a nota un boto salbabida ta nabegando y saliendo for di Waf di Container. Net na e momento ey a nota un ambulans ta bandona tereno di Waf. Ademá na un distancia di 2 miya por a observa un Coastguard Mericano ta drief.

DIARIO a bay averigua un que otro riba e caso aki. Mesora a bay Hospital y a saca foto di un homber sospechoso cu e ambulans a tuma over for di personal di Coastguard Mericano.

Segun informe cu DIARIO por a compila ta indica cu na dos milla pafor

**AINDA TIN
LADRON TA
DRENTA CAMBER
DI TURISTA**

ORANJESTAD (AAN): Un turista procedente di Colombia, lo a bira victima di ladronia.

Segun su denuncia cu for di su camber a worde horta un video camcorder marca Sony, keds color blanco cu berde marca Nike.

Ademá e ta sinta falta di flanel y short. Posiblemente ladron lo por a haci uso di un yabi falso pa dreña su cuarto.

E caso tin atencion di recherche.

**RESULTADO
EMISION BONO
DI TESORERIA**

ORANJESTAD (AAN): Dia 14 di October 1994 a tuma lugar un emision nobo di Bono di Tesoreria. Riba e mesun fecha un emision di 20 millon Florin a caduca.

A ser ofreci nominalmente 20.000.000 cu fecha di caducacion 13 di Januari 1995.

E emision a ser cubri completamente, cu un desconto average di 4.61% p.a. Esaki ta igual cu un rendimiento efectivo average di 4.66% p.a.



di costa di Aruba, Guardacosta Mericano a baha un lancha y a despacha un homber Colombiano cu nan lo a detene riba altamar.

Ta parce cu tabata tin un operacion riba altamar na un distancia di 90 miya for di Aruba na unda lo a intercepta un Speedboat tipo

"Sigaret".

Ta asina cu via di Sateliet, autoridadnan Mericano lo a detecta y sigui e "Sigaret" aki cu tabata nabega cu velocidad masha halto. Mericanonan a percura pa manda Botonan di vigilancia special pa intercepta y captura e speedboat aki, cual operacion a bira exitoso tambe.

Abordo di e speedboat aki tabata tin cuatro persona. Aparentemente e boto "Si-

garet" lo a sali for di Santa Martha (Colombia).

Sin embargo algo a pasa cu un di e Colombianonan cu tabata rekeri atencion medico di inmediato. E lo a guli un cantidad di cocaina pa asina "sconde" prueba.

Capitan di e Guardacosta a haya prudente pa tuma direccion pa e puerto mas cerca, den e caso aki Aruba, pa asina e Colombiano di inicial L.G. di 40 aña por ricibi atencion medico.

Mester observa cu e Operacion pa trece e Colombiano aki di e Guardacosta pa Waf lo mester a "sali for di man", como cu ta un lancha chikito a presenta y entrega e victima na Ambulans y sin mas.

Normalmente ta asina cu Inmigracion, y Douane mester ta presente pa averigua un que otro. Loke a sosode ayera ta parce un free for all, y via di canalnan e instantianan concierne lo a worde poni na altura, ora cu tur cos a caba.

Unda e error ta sinta parce ningun hende sa. Despues segun informe, autoridad concierne lo a bay hospital enbusca di detayes.

Mientras tanto e "Sigaret" confisca pa Guardacosta, lo a worde hiba pa Venezuela. Esaki lo nifica cu e victima Colombiano, despues di ricibi tratamiento lo tin cu worde manda Venezuela na unda lo a entrega su otro compañeronan captura.

E MOROCOY ORENCHI !!!

